

NAQQIUT**(Ullumi nassiussaq taarserpaa. Pingajussaaneerneqarnissaanut Inuit Ataqatigiit allannguutissatut siunnersuuteqarnera pillugu naqqiuteqarpoq)****Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. x, xXx 2015-imeersoq**

(Aningaasaqarnermut, Aatsitassanut Nunanullu Allanut Naalakkersuisoq)

Akissutitut allakkiaq

(Aningaasaqarnermut, Aatsitassanut Nunanullu Allanut Naalakkersuisoq)

Pingajussaaneerneqarnera

Inatsisissatut siunnersuutip suliarineranut atatillugu Aningaasaqarnermut Akileraartarnermullu Ataatsimiititaliap suliaqarsimaneranut Naalakkersuisut sinnerlugit qutsaviginnippunga.

Inatsisissatut siunnersuummik ataatsimiititaliami amerlanerussuteqartut akuersaartuunerat Naalakkersuisut tusaatissatut tiguaat.

Qaleralinnik tunisinermik akitsuusersuinissaq pillugu malittarisassiat sanioqqussinnaaneri pillugit apeqqummut tunngatillugu sianigeqqussavara tassaamat aalisartup akissarsiffigisai tamakkiisut akitsuutininik akiliuteqarfiunissaa. Aningaasat tunisinertut, angalaarnermut tapiissutitut, nioqqutinnaaqarfimmut akiliutitut, aggornersiatut assigisaanilluunniit taaneqarnerat apeqqutaanngilaq. Soorunami akitsuutit naatsorsugarineri Akileraartarnermut Aqutsisoqarfiup misissortassavai, aammalu malittarisassiat unioqqutinneqassappata akiligassiisariaqarnermik il.il. pisariaqartitsisoqassanera nakkutigisaralugu.

Inuit Ataqatigiit pingajussaaneerinninnermut allannguutissatut siunnersuutissatut saqqummiussaannut tunngatillugu ilisimatitsissutigissavara akitsuutit 3 pct.-inut appartinnerinut akitsuutitigit iluanaarutissat koruunit 12 mio.-it missaannut missiliuutaasinnaasoq. Qaleralinnik avataasiorluni aalisarnermut akitsuut kilokkaanut 3 kr.-mut aalajangerneqassappat ilassutitut iluanaarutissat koruunit 6 mio.-it missaannut missiliuutigineqassapput. Taamaattumik IA-mit allannguutissatut siunnersuut malillugu akitsuutininik iluanaarutit tamarmiusut koruunit 18 mio.-it missaannissaapput, tamannalu Naalakkersuisut saqqummiussaattut siunnersuummut naleqqiullugu koruuninik 2 mio.-inik appasinneruvoq.

Taamatut oqaaseqarlunga Naalakkersuisut sinnerlugit Inuit Ataqatigiit allannguutissatut siunnersuutaata itigartitsissutigiginissaa, aammalu Naalakkersuisut siunnersuutisstut saqqummiussaattut inaarutaasumik akuersissutigiginissaa innersuussutigissavara.